

2051

CODICES

2052

pretatur. Magna hic aquae virtus in omnia tribuitur, atque inter alia c. ult. ubi de ejus circulari per humanum Corpus motu frequentia leguntur: *Also feiret auch das wasser in des Menschen leib gar nit, sondern hat in gannzem leib, seinen augenblicklichen lauff, und fueret alle ding, so ir Ambt im leib verricht, wider zu den lufftlöchern heraus, in den blasen, und volgents stundtlich gar aus dem leib, das gebet also scheibligs im Zirkel berumb, als lang der Mensch lebt.* An hic ante Harvaeum, post Servetum tamen, ad sanguinis per corpus circulationem adludatur, Aesculapii filiis dispiciendum relinquimus.

DXXXVIII.

- 893 Codex chartaceus lat. Sec. XVI. Folior. 3. f. continet Scriptum *Davidis Foris* five *Georgii* noti hominis fanatici *Delphensis* ad *D. a Lasco* de resurrectione. Est istud, ut videtur, tantum Excerptum; adducuntur enim et aliorum *Davidianorum* de eadem Resurrectione Somnia et inter cetera cujusdam dicti *Huch Janfs* de *Shellyng Weerck*. Interim ad calcem legitur: *Halleluia. 25 Maj. ann. 1544. Finis maioris epistolae Davidis ad D. a Lasco.* Epistola haec igitur *Basileae* scripta est, ubi se mense *Aprili* h. a. *David* cum familia et adseclis quibusdam insinuaverat coemtis fundis in *Johannem de Bruck*, vel de *Binningen* mutatus, ut

Basileensis Studiorum Universitas narrat *Relatione* vernacula titulo: *David Georgen auß Holand des Ertzkützers warbafftige histori &c.* ibi a. 1559. 4. edita, quo anno *Viri* corpus exhumatum una cum *Libris* et *Icone* ejus picta per carnificem crematum est. In hac *Relatione* inter erroneas ejus opiniones recensetur etiam illa, quae *Scripti* nostri argumentum est, videlicet: *Christum*, ut ceteros omnes, secundum carnem abivisse in viam universae carnis, id est, perpetuae mortis corporalis, sed filium illum Dei, qui in illo extitit, conscendisse ad dextram patris secundum spiritum, et nunc in se, *Davide*, perfectiorem rediisse ad secundum judicium; et qui sunt ejusmodi horrores. *Scripti* initium est: *Ne arbitrare mi dilecte, quod nos, qui vivimus, aliud externum corpus induere debeamus &c.* De *Joh. de Lasco* dictum est saepius, ut ex *Indice* liquet.

DXXXIX.

- Codex chartaceus lat. Sec. 400 XVI. Folior. 76. 4. continet Somnia Hominis fanatici et inepti temere in chartam coniecta de Utriusque Reipublicae, maxime vero Sacrae Reformatione, quorum Elenchum in calce positum delibabo: *Ad christianissimum et inuittissimum romanorum &c. regem ferdinandum. Ad omnes gentes colloquium. Ad illustrissimos christianorum omnium oratores. Ad homines*

2053

P O L E M I C I.

2054

*homines celestia scire uolentes. Colloquium ad sanctissimum dominum nostrum papam Iulium tertium. — Regola santissima per quam gubernari deberent religiosi in ecclesia catolica et apostolica. Religiosos, qui huic Regulae se subicere noluerint, ad expugnandum Infideles ablegat Noster, et eos expugnabunt omnino, et ibi suam experientur uirtutem, et manus domini erit cum eis: ut fiat unum ouile &c. Neque hic solum Propheten agit, sed plura in somnis vidit, quorum etiam *Picturas* huic Scripto inferfit. *Italum* fuisse e modo scribendi liquet; *Patavii* egisse e narratione de tribus *Puellis* ibidem a. 1552. 10. *Iunii* a patre occisis fol. 66. constat; *Venetias* accessisse, habes in sequentibus: *Die predicta 25 decembris 1552 de mane quando serenissimus dux cum Illustrissima Signoria et R. legato et Illustris cesaris et cristianorum regum oratoribus miabant ad ecclesiam: eis presentaui predictos libros: qui me forsan insanum existimans repudium dedit aures suas uerbis meis non tribuendo: nec quod intus esse poterat excogitando, sed sic me respiciendo transit serenissimus dux franciscus donatus — Transeat cum illo et Lector; temporis enim et charitae miseret.**

DXL.

730 Codex membraneus lat. Sec. XII. Folior. nunc 70. 4. a diversa manu probe scriptus, et
Denis Codd. Theol. V. I. P. II.

rubricis distinctus ita inscribitur: *In nomine domini incipit prologus in libro de honestate ecclesie. Initium: Uerbum et sapientia Dei patris dominus noster ihesus christus qui pro ecclesia sua saluanda de celis descendere dignatus est &c. Prologum excipit Capitulum. Enumeratio absque numeris, quae uniuersim CLXVIII. censentur. Caput I. Operis inchoat: Cunctis Fidelibus Liquet ouilis dominici curam beato Petro apostolo ab ipso domino commendatam. Nam cum resurrexisset a mortuis &c. In Cap. CXVII. uerbis: ut ditiores vel gloriosiores inde appareant, laborem Librarius abrupt. Extat uero Opus integrum e Codice Coenobii Gottvicensis in Austria erutum in Bern. *Pezij Thef. Anecd. T. II. P. 2. a p. 74.* Congestum illud fuit e sacris Literis, Conciliorum Canonibus, Pontificum Decretis, Patrumque Dictis adhibita etiam *S. Benedicti* Regula ferventibus Sacerdotium inter et Imperium in Ecclesia discordiis et quidem *Seculo XII.* ut ex hoc Cap. CXVII. initio liquet: *Summi et uniuersales pontifices Gregorius VII. et urbanus II. atque pascalis II. uidentes tot et tanta mala quae breuiter enumerauimus de inuestitura ecclesiarum uelud ex toxicata radice pullulare &c. Cum uero eod. Cap. dicatur, Paschalem vi coactum permisisse, ut Episcopus non consecratur, nisi a Regibus annulo et baculo inuestiatur, et mox addatur: Non igitur sanctus Papa hoc observare debet, sed*
H h h magis*